


 Sud Bosne i Hercegovine
 Суд Босне и Херцеговине

PRIMLJENO: 20-10-2025			
Organizacijska jedinica	Klasifikacijska oznaka	Redni broj	Broj privitaka
06-1-	07-1-	939 /	25

05.1

06.1

07.1

%

 Broj: S1 2 K 046070 23 K
 Sarajevo, 16.10.2025. godine

 CENTRALNA IZBORNA KOMISIJA BOSNE I HERCEGOVINE /CIK BiH/
 Danijela Ozme 7, Sarajevo

Poštovani,

Dana 1.8.2025. godine, Sud vam je dostavio pravosnažnu presudu Suda Bosne i Hercegovine broj: S1 2 K 046070 23 K od 26.2.2025. godine, koja je postala pravosnažna dana 12.6.2025. godine. S tim u vezi, napominjemo da je presuda dostavljena radi evidentiranja i izvršenja izrečene mjere sigurnosti i pravnih posljedica osude, za osuđeno lice:

MILORAD DODIK,

osuđen po presudi Suda Bosne i Hercegovine broj: S1 2 K 046070 23 K od 26.2.2025. godine (koja je postala pravosnažna dana 12.6.2025. godine), kojom je Miloradu Dodiku izrečena kazna zatvora u trajanju od jedne (1) godine, kao i mjera sigurnosti zabrane vršenja dužnosti predsjednika Republike Srpske u trajanju od šest (6) godina, od dana pravosnažnosti presude.

S tim u vezi, Sud ponovo ističe da je izrečena mjera sigurnosti (u konkretnom slučaju mjera zabrane vršenja dužnosti predsjednika Republike Srpske), krivičnopravna sankcija, kao što su to i kazne, uvjetna osuda, odgojne mjere. Po zakonu se sve krivičnopravne sankcije moraju navesti u izreci presude.

Pravne posljedice osude propisane članom 203a stav 5. KZBiH a) prestanak službene dužnosti i prestanak zaposlenja; c) zabrana obavljanja službene dužnosti u zakonodavnom, izvršnom, pravosudnom, upravnom ili bilo kojem organu koji se u cijelosti ili djelimično finansira iz javnih sredstava; i d) zabrana sticanja službene dužnosti u zakonodavnom, izvršnom, pravosudnom, upravnom ili bilo kojem organu koji se u cijelosti ili djelimično finansira iz javnih sredstava) nastupaju po sili zakona, po pravosnažnosti presude, što znači da, s obzirom na to da je predmetna presuda postala pravosnažna dana 12.6.2025. godine, optuženi Milorad Dodik ne može obavljati



Sud Bosne i Hercegovine
Суд Босне и Херцеговине

nijednu od dužnosti ili poslova koji su navedeni u tačkama od a), c) i d) člana 203a stav 5. KZBiH, a što ste i sami konstatovali u vašoj odluci od 6.8.2025. godine, gdje je, između ostalog, navedeno: U sadržaju akta Suda Bosne i Hercegovine uz predmetne presude, dostavljena je i napomena da pravne posljedice osude propisane članom 203a stav 5. Krivičnog zakona Bosne i Hercegovine i to a) prestanak službene dužnosti i prestanak zaposlenja; c) zabrana vršenja službene dužnosti u zakonodavnom, izvršnom, pravosudnom, upravnom ili bilo kojem drugom organu koji se u cijelosti ili djelimično finansira iz javnih sredstava; d) zabrana sticanja službene dužnosti u zakonodavnom, izvršnom, pravosudnom, upravnom ili bilo kojem organu koji se u cijelosti ili djelimično finansira iz javnih sredstava, nastupaju po sili zakona, po pravosnažnosti presude, što znači da, s obzirom na to da je predmetna presuda postala pravosnažna dana 12.06.2025. godine, Milorad Dodik ne može obavljati ni jednu od dužnosti ili poslova koji su navedeni u tačkama od a), c) i d) člana 203a stav 5. Krivičnog zakona Bosne i Hercegovine.“

Dakle, pravne posljedice osude, prema članu 5. KZ BiH, nisu krivičnopravna sankcija, zbog čega se iste ne utvrđuju, ne izriču i ne unose u presudu, s obzirom na to da nastupaju po automatizmu, odnosno po sili zakona, u slučaju da osuda za krivično djelo iz člana 203a. stav 1. KZ BiH postane pravosnažna. Pravne posljedice osude su efekti koje proizvodi presuda i nastupaju po sili Zakona (čl. 113 – 116 Krivičnog zakona Bosne i Hercegovine).

U kontekstu navedenog, upućujemo Vas na član 113. KZBiH - Nastupanje pravnih posljedica osude u kojem se navodi *"kada su zakonom propisane pravne posljedice osude za određeno krivično djelo, one nastupaju, uz ispunjenje uvjeta postavljenih odredbama ovog člana, po sili zakona kojim su propisane"*. Riječ je o posebnoj krivičnopravnoj mjeri koja je posljedica osude za određeno krivično djelo, ali koju ne izriče Sud pri donošenju presude.

Zakonom je određeno da pravne posljedice osude mogu trajati najduže 10 godina, s tim da brisanjem osude prestaju pravne posljedice osude. U smislu odredbe člana 121. stav 6. KZBiH osuda se ne može brisati iz kaznene evidencije dok traje primjena mjera sigurnosti, što konkretno za ovaj predmet znači da **imajući u vidu da je prema optuženom izrečena mjera sigurnosti zabrane vršenja dužnosti predsjednika Republike Srpske u trajanju od šest (6) godina, od dana pravosnažnosti presude, svakako pravne posljedice osude ostaju na snazi za svo vrijeme trajanja ove mjere, a najviše do momenta brisanja osude.**

U skladu sa odredbom člana 203a stav 1. Krivičnog zakona Bosne i Hercegovine, Milorad Dodik osuđen je na kaznu zatvora u trajanju od jedne godine. U skladu sa odredbom stava 4. istog člana, izrečena mu je i mjera sigurnosti - zabrana vršenja dužnosti predsjednika Republike Srpske.



Sud Bosne i Hercegovine
Суд Босне и Херцеговине

Kada Sud nekog optuženog osudi za krivično djelo iz člana 203a stav 1. KZBiH i izrekne mu kaznu zatvora, u tom slučaju sa pravosnažnošću presude, po sili zakona nastupaju pravne posljedice takve osude, propisane stavom 5. navedenog člana.

Mjera sigurnosti zabrane vršenja dužnosti iz člana 203a stav 4. KZBiH i pravna posljedica osude prestanak službene dužnosti i prestanak zaposlenja iz člana 203a stav 5. u vezi člana 114. KZBiH (prestanak vršenja određenih poslova ili funkcija u organima vlasti, privrednim društvima ili u drugim pravnim osobama), suštinski se u određenom dijelu preklapaju, ali prema zakonu ne isključuju jedna drugu, iz razloga različite prirode krivičnih sankcija (mjera sigurnosti) i pravnih posljedica osude.

Prestanak službene dužnosti i prestanak zaposlenja, kao pravna posljedica osude, odnosi se na prestanak službene dužnosti i rada ili zaposlenja u pravnom subjektu, neovisno o načinu finansiranja istog.

Prema članu 7. Zakona o političkim organizacijama (Službeni list Republike Srpske broj 15/96, 17/02), političke organizacije imaju svojstvo pravnog lica i isto se stiče upisom u registar.

U članu 15. istog Zakona, propisano je da registar političkih organizacija vodi osnovni sud u sjedištu višeg suda prema sjedištu političke organizacije. U registar se, pored ostalog, upisuju i podaci o imenima lica ovlaštenim za zastupanje, kao i podaci o drugim činjenicama.

Članom 18. Statuta političke stranke SNSD (od 30.09.2023. godine), donesenim na osnovu člana 14. Zakona o političkim organizacijama („Službeni glasnik Republike Srpske“, broj 15/96, 17/02), propisano je između ostalog da:

- (1) „Predsjednik SNSD je politički i izvršni organ SNSD
- (2) Predsjednik SNSD predstavlja i zastupa SNSD“

Prema članu 1. stav 3. KZBiH, kao službenim licem, pored ostalih, smatra se i lice „koje uz naknadu ili bez naknade obavlja određenu službenu dužnost na osnovu ovlaštenja iz zakona ili drugog propisa donesenog na osnovu zakona.“

Članom 34. Zakona o političkim organizacijama (Službeni list Republike Srpske broj 15/96, 17/02), propisano je da nadzor nad zakonitošću rada političkih organizacija vrši organ uprave u okviru nadležnosti utvrđene zakonom.



Sud Bosne i Hercegovine
Суд Босне и Херцеговине

Cijeneći navedeno, Sud ponovo ističe, da u skladu sa naprijed navedenim zakonskim propisima poduzmete sve radnje u cilju evidentiranja i izvršenja izrečene mjere sigurnosti i pravnih posljedica osude, u odnosu na osuđenog Milorada Dodika.



